

SYNODUS DIOECESANA

SANCTÆ BENEVENTANÆ ECCLESİÆ

Ab. Eminentissimo, et Reverendissimo Domino

JOANNE BAPTISTA


MISERATIONE DIVINA TIT. S. PANCRATII

S. R. E. PRESBYTERO CARDINALI

B U S S I


ARCHIEPISCOPO.

*Celebrata juxta antiquum ejusdem Ecclesiæ morem
die 24. Augusti 1827.*



BENEVENTI MDCCCXXVII.

Apud Gregorium Paternò Typographum Cameralem,



JOANNES BAPTISTA

MISERATIONE DIVINA

TIT. S. PANCRATII S. R. E. PRESBYTER
CARDINALIS BUSSIS. METROPOLITANÆ ECCLESIAE BENEVENTANÆ
ARCHIEPISCOPUS.

Decretum de Synodi apositione.

*In Nomine Sanctissimæ, et Individuæ
Trinitatis, Patris, et Filii, et Spi-
ritus Sancti. Amen.*

Tertio, Venerabiles Presbyteri, regentibus Nobis hanc Diocesim, in unum convenitis ad Ecclesiasticarum rerum progressum; quem sane non Patrum Doctrina ostendi fas esset, sed sua quaque experientia perspectum haberet ex Synodicis congressibus, quatenus ea, quæ statuuntur, omni ex parte impleri cernerentur. Quæ enim correctione, et emendatione opus habent, cum solerter inquirant, et sincere denuncient illi, qui nobiscum laborant in opere ministerii; vix quidquam committeret ullus adversos consultissima Prædecessorum jussa in usum revocata, et in disciplinæ observantiâ, qua inter illustriores hæc Diocesis emicuit, novæ semper fierent accessiones. Colaboratores igitur nostros, Venerabiles Vicarios Foraneos, Archipresbyteros, caeterosque animarum curæ præpositos magis magisque impulsos confidimus ad custodiendas munitiones, quibus circumsepti fides, et mores intemerati servantur ab hostium versutiis. Qua-

propter hisce sub auspiciis, tertiam nostram Dioecesanam Synodum, hac ipsa die 24. Augusti ad Omnipotentis Dei, et Jesu Christi Filii ejus Domini nostri, Beatissimae Deiparae, S. Michaelis Archangeli, B. Ap. Bartholomaei, SS. Pontific. Nostorum, Januarii, et Barbat, SS. Dominici, et Philippi Nerii Confessorum, caeterorumque nostrae Civitatis Sanctorum Patronorum, aliorumque Sanctorum gloriam, honorem, et laudem apertam esse, atque inceptam volumus, decernimus, ac promulgamus.

TITULUS PRIMUS

De confirmatione Synodorum usque modo celebratarum.

Dioecesanæ Synodus per nos et a Praedecessoribus nostris sancte et salubriter celebratas, pro eâ tamen parte, quae his decretis non repugnet, confirmamus, et ab omnibus, ad quos spectat observari mandamus sub poenis in illis statutis et comminatis.

TITULUS SECUNDUS

De Sacramento Confirmationis.

Qui nullo poenarum, suppliciorum, mortis periculo, aut metu deterritus Dominum Jesum Christum confessus fuerit coram hominibus, Ipse in die judicii et eum constabitur coram Patre suo. Quemadmodum vero scriptura dicit: *Sine fide impossibile est placere Deo*; ita non ambigimus ad Baptizatorum levamen institutum esse sacramentum Confirmationis, quo homo coarmatur ad pugnam, perfectionem ad gra-

liam recipit; ad pugnam confirmatur, et armatur; ac instruitur ad agones (a). Praeterea in susceptione hujus Sacramenti adhibetur Patrinus; ex quo id etiam praesidii confirmandus consequitur, ut cum Sacramento Confirmationis quasi firmissimis armis, tectus ac munitus in spirituale certamen, cui aeterna salus proposita est; descendit, ducem habeat, ac motivorem (b).

Congruum sane videbatur, ut quo formidabilioribus cum Potestatibus luctari debuisset, eo validiora misericorditer conferrentur auxilia per Sacramentum Confirmationis. Attamen non una susceptione Fidelis adultus praefatos colligit fructus; necesse est; ut eas adhibeat dispositiones, quae tum confirmandos respiciunt, tum etiam personam Patrinorum; quarum dispositionum summam cum accurate ex instituto collegerit s. m. Cardinalis Ursini edicto 9. relato in appendice Synodi 2. n. 5., volumus, ut quae de confirmandis adultis, ac Patrinis in eo decreta sunt, impleantur; et praecipue, quod nullus excommunicatus, interdictus, vel gravioribus facinoribus alligatus ingerat se ad tenendum confirmandum (c).

Clericos verò aperte prohibemus sine nostra expressa facultate munus Patrini in se suscipere, nisi sint cum confirmando conjuncti primo, aut secundo consanguinitatis gradu.

Districte inibemus Parochis sub poenis arbitrio nostro infligendis, ne schedulam, cujus tenorem retulimus in appendice hujus Synodi, signent iis, qui supra praescriptis qualitatibus minime fulgeant.

(a) *S. Melch. Papa ep. ad Episc. Hispan.*

(b) *Chatech. 2. p. de Sac. Confir. n. 15.*

(c) *Pontif. Rom. par. 1. de confirman.*

TITULUS TERTIUS

De Sanctissimo Eucharistiae Sacramento.

Cum fidelium cultus erga sacramentorum maximum in dies languesceret, et Angelorum pane frequenter refici non amplius impellerentur memoria immensae charitatis, qua Salvator nos ita dilexit, ut scipsum sub panis ac vini speciebus ad vescendum praeberet; Ecclesia potestate divinitus accepta praecepit, ut omnis utriusque sexus fidelis adultus ad minus in Pascha susciperet reverenter Eucharistiae Sacramentum; alioquin et vivens ab ingressu Ecclesiae auceatur, et moriens christiana careat sepultura (a).

Enim vero neque grati animi sensu, neque Ecclesiae indulgentia, neque comminatis poenis impulsus sunt fideles ad cultum aliquem reddendum Sanctissimae Eucharistiae; quoniam moerore animi Nobis relatum, multos non obsequi paschali praecepto: cui malo ut remedia dentur, jubemus Parochos juxta veterem praxim accedentes ad Synodum album eorum omnium, qui eidem praecepto non satisfecerint, Curiae nostrae praebere.

Item antiquum morem a cultoribus paraeclis retentum, schedulam Sacra Synaxi alias refectis distribuendi, in pristinum restitui mandamus; iis enim post tempus Paschale diligenter expensis, detegi commode queunt nomina deserentium in Paschate communicare.

Parochi veto, Confessaril, et quadragesimales

(a) Conc. Later. IV. can. omnis utriusq. de poenit. et remiss.

Concionatores hortentur fideles, ut ad Dominicam coenam frequentius accedant, et praecipue in sollemnioribus anni festivitibus, quibus olim tenebantur communicare, scilicet in Paschate, Pentecoste, et die Nativitatis Domini. (a)

Quisque demum Sacerdotum Sanctissimam Eucharistiam, qua decet, reverentia, debitoque cultu tractet, custodiat, et administret; quolibet octavo die fiat hostiarum, et particularum renovatio, consumptis quae supererint in Tabernaculo. (b)

Sacramentum Eucharistiae est etiam verum novae legis sacrificium; eoque nihil praestantius, nihilque salubrius esse potest, cum Deo Patri piaculari unigeniti filii sui corporis, et sanguinis oblatione cultum, et honorum infinitum rependitur, unde tot ac tanta in nos derivantur ac defluunt divini amoris beneficia. Christus namque antequam pateretur discipulos suos ejusque successores novae legis Sacerdotes instituit eis praecipiens, transubstantiatione panis ac vini in corpus et sanguinem suum sese hostiam immaculatam offerre, quo cruentum illud Sacrificium semel in cruce peragendum repraesentaretur, ac ejus memoria in finem usque saeculorum permaneret. (c) Quotiescumque autem istud laetificum cultum Deo impenditur infinita prioris sacrificii merita nobis applicantur; Deum nobis propitium reddimus, benignum ac placatum, et nostra auferuntur peccata et peccatorum poenae atque flagella.

In celebratione Mysteriorum tam admirabilis ac Salutaris semper adhibiti sunt ritus, et peculiare caere-

(a) *Can. 16 de consecr. dist. 2.*

(b) *S. Rit. Cong. in Conchen. 3. septem. 1672, art. 3.*

(c) *Trid. Sess. 22. c. 1,*

moniae, quae dum juxta rubricarum praescriptum sedulo, pieque Sacerdotes observant, majestas tanti Sacrificii commendatur, et mentes fidelium per ea visibilia religionis ac pietatis signa ad rerum altissimarum, quae in hoc Sacrificio latent, contemplationem excitantur. (a)

Quamobrem sacerdotes omnes ad sacrum poragendum accedant non tantum ea puritate morum, quae ipsos decet, sed exteriori modestia, gravitate, ac congruenti veste: debitam praeparationem praemittant, et post Missae celebrationem saltem quarta horae parte in gratiarum actione permaneant. Praeterea omnia verba quae sive elata, sive submissa voce proferuntur, clare, distincte, ferventer, et sine ulla festinatione pronuncient; tempus autem quo sacrum expedire debent non sit infra tertiam partem horae; ita in toto religioso actu omnis irreverentia, quae ab impietate vix sejuncta esse potest, (b) declinetur, ne Sacerdos inter homines Deumque positus ad iracundiam sedandam, si neglexerit, immodesteque suo munere fungatur, Deum magis irritet, (c)

Proscribimus autem in re tam grandi vanitatem, sive ostentationem, vel levitatem redolentia, quod foret bireto quatuor angulorum uti, vel annulo in digitis gerere dum Missa celebratur, aut his similia: vetitum enim expresse est cunctis Sacerdotibus licet Prototonariis Apostolicis, aut qualibet dignitate praeditis in illo actu anulum in digitis deferre, (d)

(a) *Trid. loc. c.*

(b) *Trid. sess. 23. de Sacrif. mis.*

(c) *Clemens XI. ad univ. Episc. in litt. 16. martii 1703.*

(d) *Bened. XIV. instit. 34. n. 15.*

TITULUS QUARTUS

De Matrimonio.

Matrimonii contractus ad pristinum decorem a Christo Domino restitutus magnum inter septem Sacramenta ab Apostolo appellatur, quia Christi unionem cum Ecclesia repræsentat, comparante eodem Apostolo virum Christo, uxorem Ecclesiæ. Solet non raro accidere, ut viri, et mulieres sua cupiditate impulsæ, quod carnale in matrimonio, nihil aut parvum quod spirituale est prosequentes conjunctionem accelerent omissis ritu et coereimoniis ab Ecclesia præscriptis, et forsah sacramentum suscipiant sine dispositionibus requisitis ad obtinendos illius effectus: sequitur inde, ut inter conjuges maritalis concordia non foveatur, filios ipsi non educant secundum Dei voluntatem, et plurimas, maximasque calamitates in Ecclesiam importent. Quocirca persectutentur Parochi, matrimonium contrahere volentes, si vim et naturam sacramenti calleant, sciantque celestes benedictiones quas secum fert si rite, ac recte a fidelibus suscipiatur: in ejus vero celebratione caveant, ne quidquam omittatur decreti (a) Cardinalis Ursini, quod solemnè in faciem Ecclesiæ sponsorum conjunctioni, nisi de mane et conjugum utroque confesso non assistant; missam inde de sponsis celebrari desideramus, cui sponsi ipsimet adsint, et in ea ipsimet sacramentum sumant synaxim, et sacerdotalem ex Ecclesiæ catholice ritu accipiant benedictionem. Quatenus vero necessitas (per nos tantummodo probanda) aliter sit-

(a) Synod. 29. tit. 6. c. 5.

ti postulet; id Parochi tum prorsus exigant, ut de mano, ipsi sponsus, et sponsa poenitentiae se sacramento expiaverint, et Christi corpore depasci meruerint.

Dum autem nonnulli ex sponsis nihili pene faciunt tributa a Deo auxilia; morem gerere non reformidant vaniloquis ac seductoribus turpis lucri gratia talia docentibus perversa, quod incantationibus et ritibus superstitionis ligamen ponere vel solvere queant ad matrimonii consumationem, aut impediendam susceptionem prolis. Confessarii de hujusmodi vanitatibus ac insaniis falsis, quae intervertunt Ecclesiae maledictum, poenitentes interrogent, eosque moneant oneris denunciationis, et gravium poenarum in quas incurrunt tam illis praestigiis operam dantes, quam in iis fiduciam ponentes.

Evellatur ius super abusus ad longum tempus protrahendi conjugatorum cohabitationem, quem accepimus irrepsisse in multis Dioecesis oppidibus; cum id non amore castitatis fiat, sed causis matrimonio extraneis, et illius bono repugnantibus. Laudabile siquidem est etiam in statu conjugali castitatem servare; sed si causis non justis et cum periculo incontinentiae vel a fide maritali deficiendi differatur sponzorum cohabitatio, isti vel qui eos impellunt ad ita agendum excusari non valent a gravi culpa. Quatenus praefati sponsi, vel culpabiliter operam dantes ad eorum differendam cohabitationem sacramentales emittant confessiones; moneantur a confessariis de statu damnationis, nec eis absolutionem impertiantur, nisi muneri suo satisfecerint vel sincere quantocius id adimplere promiserint: Parochi autem sollicitudinem adhibeant, ne in suae Paroeciae ambitu huiusmodi inconvenientia oriantur, et quatenus adsint, arcere proviribus studeant.

TITULUS QUINTUS

De vita et honestate Clericorum.

Utinam Clericorum vivendi ratio composita foret ad prescriptiones legum moris, et disciplinae! Existimarem nos magnam consequentes retributionem, si ribil reprehensibilis invenirentur in clericis; si ipsi essent in conversatione cauti, in divinis rebus ac ministerii operibus solliciti atque solertes; modesti in habitu, alieni a secularibus negotiis, et addicti solummodo ad suo munere fungendum, promovendamque majorem Dei gloriam. Debet quisque pro modulo intelligere, ob humanae naturae debilitatem ea nequaquam fieri et quovis tempore irrepturos abusus, quos coerceant oportet a Domino super speculam constituti ad moderationem humanorum actuum. Quare nemo admiretur, quod tertio loquamur de officiis propriis clericorum, utilesque leges ad reformationem promulgentur.

Primo ad virtutem castitatis, quae clericos veros Dei Angelos facit, sermonem convertamus oportet: onus servandae continentiae sacris ordinibus initiatis imposuerunt generalia Concilia; ad nos autem incumbit Patrum placita diligenter implere, qua super re mandata renovamus Vicariis Foraneis, et Parochis, ut violatores harum legum, sepositis omnibus humanarum rerum respectibus, Curiae Archiepiscopali denuncient pro deliquentium exemplari punitione, qua et ipsos et alios a similibus perpetrandis abstinenturos confidimus.

Leges siquidem de coelibatu ita accipiendae, ut Clerici ab iis abstineant, quae vel praebent proximam occasionem illas violandi, vel in plebe ef-

sciunt transgressionis suspicionem: prohibent namque Clericos et alii conciliorum canones a conversatione cum mulieribus, nimia familiaritate et cum iisdem cohabitatione, nisi arcta cognatione junctis; sicuti eadem vetantur decretis Synodalibus hujus Dioecesis, quae paſſim confirmamus, ac observari praecipimus.

Item forma, et colores habitus clericorum praescripti sunt pluribus Synodalibus decretis: verum eo pervenit horum contemptus, ut pietissimus utriusque Siciliae Rex, quem Deus ad Religionis bonum diu sospitem servet, regalis curae putaret in locis suae ditionis malo asserere remedium, promittens locorum Ordinariis (a) contra contumaciam pervicacitatem auxilium brachii secularis. Tanta sollicitudini respondere nos decet aequo animi ardore; et ideo jubemus, quae in praecedentibus Synodis sancita sunt, nullo mendicato praetextu adimpleri tam de pileorum forma, quam de coetero Clericorum habitu.

Clerici praeterea in vitae curriculo temporalium rerum divulsionem coruscare faciant ut ii, qui foris sunt, veſcantur de ipsis pronunciare, quod sint superbi, iracundi, violenti, percussores, turpis lucri cupidi; vel serviant commensationibus vel choreis, vel aleis, vel lusui, vel soeculari negotio; sed hujusmodi sit clericorum vivendi genus, ut laici nil inspiciant praeter studium tam addiscendarum disciplinarum, quam procurandae suae et proximorum aeternae salutis.

Ad consumationem quippe Sanctorum Sacerdotum Christus in Ecclesia instituit cum amplissimis facultatibus, quales sunt divinarum dispensatio, et peccatorum remissio; quam postremam solius Dei esse, et i-

(a) *Litt. diei 14. praeteriti Julii.*

psi confessi sunt Judaei, dum Salvatorem nostrum admirabantur pulam ea utentem. (a)

Haec potestas gratis, quomodo acceperunt, exercenda est a Sacerdotibus; et parvi divina pendere, maleque conscientiae suae videntur consulere ii, qui in necessitatibus tali officio desunt, quia mercede carent, vel beneficium non possident onere gravatum audiendi sacramentales fidelium confessiones. Errorem hunc patefacit B. Liguori in suo opere Theol. Moral. (b) ubi sequentia anonimi opusculi verba relet: „ Chi ha talento per confessare, e vede nella sua terra la mancanza della confessione, e conosce o che non si frequenta, o si strapazza, è tenuto ad amministrare tal sacramento, e se non è di età molto avanzata, è tenuto in coscienza ad abilitarsi al meglio che può; „ Subjicit autem auctor, simplicem sacerdotem etiam a gravi incommodo non excusari ad audiendas confessiones, nec valet dicere (c) quod Sacerdos simplex si teneretur confessiones excipere, teneretur tantum ex charitate, sed haec non obligat cum gravi incommodo, prout esset labor insumendus ad acquirendam scientiam satis necessariam ad excipiendas confessiones. Nam respondetur quod licet exercitium confessiones excipiendi sit opus charitatis, tamen non oritur ex simplici motivo charitatis, sed ex proprio Sacerdotis officio, cui ex Christi institutione haec obligatio est annexa eique satisfacere debet Sacerdos, quando urget Populi necessitas. „ Benedictus vero XIV. qui in sua Bononiensi Dioecesi novum examen confessariis praescripsit in confirmatione facultatum fieri solita post-

(a) *Matth. cap. 9.*

(b) *Tract. 6. de sac. Poenit. dub. s. c. 2. n. 625.*

(c) *cit. Loc.*

annum concessionis, declarat (a) „ in grave scelus pro-
 „ lubi cum miserum Sacerdotem, qui licet necessario
 „ confessarium agere non debeat, tamen hoc pio mu-
 „ nere perfungi declinat ob superbiam, quae ipsum ac-
 „ cedere ad novum examen prohibet, aut ob timorem
 „ ne ipsius ignorantia atque imperitia ad gerendum
 „ gravissimi momenti negotium detegatur. „ Si quis
 ergo Confessarius, quia participationem non habet,
 confessiones audire recuset: vel ubi confessarium co-
 pia deest, adire non velit, quia nullum ibi benefi-
 cium possidet, vel quocumque simili praetextu istud
 Sacerdotis officium non exerceat in casu necessitatis su-
 pra explicato; ejus conscientiam peccato omissionis
 graviter oneratam sciat ex laudatis auctoribus: idem-
 que de coeteris Sacerdotibus sentiendum, quorum mo-
 res, et ingenti sufficientia idoneos renuncient ad prae-
 satum officium, et tamen sese disponere praetermit-
 tunt ad debitas consequendas facultates.

Aures profecto abhorrerent accipere, quod Sa-
 cerdotes etiam simplices, Parrocho legitime impedi-
 to, nollent vocati extrema praebere levamina in vitae
 periculo constitutis: quae sane inhumanitatis species si
 committi conligerit, poena punietur pro prima vice
 quindecim dierum reclusionis in aliqua religiosa do-
 mo, et totidem dierum suspensionis a celebratione
 Missae; atque augebitur poena crescente contumacia.
 In dubium namque verti non potest, simplicem e-
 tiam Sacerdotem, quando alius paratus non est, te-
 neri in tali necessitate audire et absolvere volentem
 confiteri, et juxta optimae notae Theologos, inter quos
 B. Liguori (b) teneri Sacerdotem non Parochum cum
 periculo vitae absolvere moribundum existentem in
 mortali.

(a) instit. 94. n. 15.

(b) loc. cit., n. 624.

TITULUS SEXTUS.

De iis, quae ad universas Constitutiones pertinent.

Omnes, ad quos spectat, pro ea parte, quae singulos tangit, praecipimus ut suam quisque obligationem agnoscat praecipue Canonici, et alii de nostro Capitulo vel Collegiatarum Ecclesiarum, et Parrochi, et Archipresbyteri, et beneficia obtinentes, omnesque etiam Clerici pro eo, quod ad vitam et honestatem Clericorum pertinet infra mensem, postquam impressa fuerit haec nostra Synodus, ejus exemplum penes se habere teneantur sub poena arbitrio nostro infligenda. Mandamus praeterea, ut in qualibet conferentia eorum conscientiae, et SS. Rituum habenda in singulis locis Dioecesis juxta Synodales Constitutiones, legatur et explicetur per Praefectum dictarum Conferentiarum unus saltem titulus tam hujus, quam nostrarum praecedentium Synodorum.

F I N I S.

Judices, et Examinatores Synodales confirmati sunt omnes, praecedenti anno electi.

Et insuper adjecti sequentes Examinatores

Admod. Rev. Dominus Angelus Compatangelo Abbas Insulatus Collegii S. Spiritus.

Multum Rev. Dominus Puschalis de Paschale Rector Seminarii Archiepiscopalis, Vicarius For. et Archipresb. Terrae Gambatesiae.

Ven. Presbyter Praeses ~~praetempore~~ Domus SS. Miss. sub tit. Pretios. Sanguinis hujus Civitatis.

Ex Clero Regulari

Rev. P. L. Franciscus Jeremia Cangiano Ordinis

(16)

*Praedicat, Prior hujus Conventus S. Dominici,
Rev. P. ~~Franciscus~~ Rector Collegii Soc. Jesu hu-
jusmet Civitatis.*

*Rev. P. Antonius Miele Rector Congregationis SS.
Redemptoris S. Angeli ad Cupulum.*

JOANNES BAPTISTA CARD. ARCHIEP.



Paschalis Can. Kentuka Synodi Sec.

A P P E N D I X

Ad Tit. 2. de Sacram. Confirmat.

*Formola della schedola da farsi da Parrochi,
e Rettori, a Cresimandi.*

*N. V. di età d'anni figlio e figlia di N. N.
e N. N. conjugj della parrocchia N. dimandati di
essere cresimati. Il Padrino sarà N. N. della pa-
rocchia N. hanno i requisiti ec. in fede ec. a
di d'el mese anno
Io N. N. A c i p. o Parroco o Rettore di N.*